



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKWENGEZA (SAL)

IPHEPHA LOKUTHOMA (P1)

NOVEMBA 2019

IMITLOMELO: 120

ISIKHATHI: Ama-iri ama- $2\frac{1}{2}$

Iphepheli linamakhasi ali-18.

YELELA

1. Iphepheli LINEENGABA EZINE: ISIGABA A, B, C kanye NESIGABA D.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(40)
ISIGABA D:	Zemitlolo	(40)

2. Phendula YOKE imibuzo.
3. Thoma ISIGABA ESINYE NESINYE ekhasini ELITJHA.
4. Thalela ngemuva kokuphendula imibuzo yeSIGABA ngaSINYE.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda owodwa ngemva kwaleylo naleyo pendulo.
7. Peleda amagama ngendlela ekungiyo bewutlole nemitjho ezwakalako.
8. Niyayeleliswa kobana nisebenzise isikhathi ngendlela elandelako:
- | | |
|------------|----------------|
| ISIGABA A: | Imizuzu ema-50 |
| ISIGABA B: | Imizuzu ema-20 |
| ISIGABA C: | Imizuzu ema-40 |
| ISIGABA D: | Imizuzu ema-40 |
9. Tlola kuhle nangesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBUZO 1.2.

- 1.1 Funda itheksthi engenzasi bese uphendula imibuzo elandelako.

ITHEKSTHI A

UKUPHANA NGEZITHO ZOMZIMBA		
1	Ipi loqanda wangayitjheja ingaphadlheka ungakadli neenyoni zeenzukulwana. Abodorhodera balala benyoni ngenca yamalwele atshwenya abantu bekhethu. Enye yeendlela zokuncenga ipilo, kuphana ngezitho zomzimba.	5
2	Bewusazi bona imizimbethu ifana neenkoloyi? linkoloyi ziyahlahlutjwa kukhitjhwe i-oli namanzi amadala kuthelwe okutjha. Amatayere neensimbi eziphelileko ziyajanyiselelwa. Ikoloyi ithome iphile tswe! Ezinye zeensimbezi akusingezitja kodwana ngezakhutjhwa eenkoloyini ezalimalakonofana ezingasasebenziko.	10
3	Zinengi iingulani ezssemjejeni wokufakelwa izitho zomzimba kodwana abasibanengi abazimisele ukuphana ngezithwezo. Linguli zilinda iminyakanya ngaphambi kokusizakala. Zinengi izitho umuntu angaphana ngazo. Ungaphana ngehliziyo, isibindi, iziso, ibende namaphaphu. Ungaphana ngeso yinye elungeni lomndeni nangabe iingazi zenu ziyakhambelana. Isizathu esikhulu sokutlhogeka kwezithwezi kukobana ukuphanokho akukajwayeleki ebantwini abanzima kodwana kwaziwa njengesiko labamhlophe.	15
4	Ngokweembalo zabakwa-Organ Donar Foundation (ODF) of South Afrika, balinganiselwa een-4300 abantu abasemjejeni. UDorh. Dominique Stolt, omphathi ehlanganweni iProfessional Provident Society of South Africa uthi. 'Izitho zomzimba zithathwa emuntwini owenza isifiso asaphila bona ngemva kokuhlongakala ufunu umndenakhe uvume bona akhutjhwe isitho nofana izitho lezo afuna ukuphana ngazo.'	20
5	Inengi labantu ekufakwa isibawo emindeninabo bona baphane ngezitho zabo, bongazimbi beengozi zeendlela. UDorh. Dominique uyaveza bona bezamaPhilo benza njalo ngombana babona isidumbu sisebujameni obulungileko ngaleso sikhathi. Umuntu othola isithweso akatjelwa bona sibuyaphi ngaphandle nange aphiwa lilunga lomndeni.	25
		30

6	'Nawufuna ukuphana ngezitho kufanele ube mumuntu ophile njengotjheleni nonganamalwele ophila ngawo ngombana kusatjwa bona ungawadluliselwa kiloyo omphako,' kuhlathulula uSamantha Nicholls omphathi we- ODF. Abantu ababhemako nabasela utjwala angeze bakghona ukuphana ngombana kanengi kutholakala bona izitho zabo ezifana nesibindi namaphaphu sezivuthiwe.	35
7	Kufanele uzitolise <i>online</i> nebe-ODF ukwenzela bona igama lakho lifakwe erherhweni. Ngemva kwalokho, uzokunikelwa <i>i-donar card</i> ozoyizalisa <i>nesticke</i> ozasinamathisela kumazisi wakho nanyana ekaradeni lokutjhayela bese zihlale ngesikhwameni sakho ukwenzela bona bezamaPhilo barhabe babone bona ungomunye ofisa ukuphana ngezitho zakho nawungasekho.	40 45
8	lingazi namanye amalwele kuhlolwa nasele uhlongakele. Ayikho imali ebhadelwako begodu neminyaka ayiqalwa. Okuqakathekileko kukobana wazise umndenakho. Nawuhlongakalako abodorhodere kufanele bakhiphe izithwezo msinyazana. Inkolelo zabantu azifani, nawungabazako ungatlebhula <i>i-donar card</i> yakho, ususe <i>nesticke</i> wazise nomndenakho.	50

[Ithethwe ku-Bona, April 2017 yatjhugululelw esindebeleni]

- 1.1.1 Tlola igama lomphathi we-ODF. (1)
- 1.1.2 Veza unobangela wokutlhogeka kwezitho ekufanele zifakelwe iinguli ngeembhedlela. (2)
- 1.1.3 Tlola SINYE isitho somzimba ongakghona ukuphana ngaso usaphila kodwana ungeze wahlongakala. (1)
- 1.1.4 Veza izitho EZIMBILI umuntu angakwazi ukuphana ngazo. (2)
- 1.1.5 Rhunyeza ngamaphuzu AMABILI iindlela ekufanele uzilandele nawufuna ukuphana ngesitho sakho. (2)
- 1.1.6 Rhunyeza isizathu esingenza bona umuntu abhalelw kukupha ilunga lomndeni isitho elisitlhogako. Ipendulo ayibe liphuzu ELILODWA. (2)
- 1.1.7 Ucabanga bona uyini unobangela wokobana abantu abanzima basabe ukunikela ngezitho zomzimba lokha nasele bahlongakele? Ipendulwakho ayibe liphuzu ELILODWA. (2)
- 1.1.8 Hlathulula unobangela owenza bona iimbhedlela zibawe izitho emindenini yabantu abahlongakala ngonobangela weengozi. Ipendulwakho ayibe liphuzu ELILODWA. (2)

1.1.9 Khetha ipendulo enembako kilezi ezilandelako.

Ikulumo ethi: 'Abodorhodera balala benyoni ngenca yamalwele atshwenya abantu bekhethu' ihlathulula bona abodorhodera ...

- A balala emthini bacabange njengenyon.
- B balala kamnandi bazivukele emini.
- C basebenza emini kwaphela.
- D abalali.

(1)

1.1.10 Hlathulula umqondo omunyethwe magama athi; 'izitho zabo ezifana nesibindi namaphaphu sezivuthiwe.'

(2)

1.1.11 Ucabanga bona ngisiphi isitho somzimba engeze wakwazi ukuphana ngaso usaphila? Sekela ipendulwakho ngephuzu ELILODWA.

(2)

1.1.12 Sekela isitativende esingenzasi ngephuzu ELILODWA.

Kusisenzo esilungileko ukuphana ngezitho zomzimba.

(1)

1.1.13 VUMELANAnofana UPHIKISANE nesitativende esingenzasi.

Ukuphana ngezitho zomzimba lisiko labantu abamhlophe. Sekela isiquinto osithathako ngephuzu ELILODWA.

(2)

1.1.14 Nange ungaba nguNgqongqotjhe wezamaPhilo, ngikuphi ongakwenza ukukhuthaza isithaba esinzima bonyana siphane ngezitho zomzimba? Ipendulwakho ayibe liphuzu ELILODWA.

(2)

1.2 Qala isithombe esingenzasi bese uphendula imibuzo elandelako.

ITHEKSTHI B



[Sithethwe ku-www.images.com]

- 1.2.1 Tlola igama lesisetjenziswa setheknoloji esivezwe esithombeni esingehla. (1)
- 1.2.2 Rhunyeza lokho okwenzeka esithombeni esingehlesi. (1)
- 1.2.3 Ucabanga bona kungaba yini unobangela walokhu okwenzeka esithombeni esingehlesi? Ipendulwakho ayibe liphuzu ELILODWA. (2)
- 1.2.4 Ngokubona kwakho ngibuphi ubungozi obungavelela umuntu osesithombeni lo? Ipendulwakho ayibe liphuzu ELILODWA. (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksthi engenzasi bese uayirhunyeza ngamaphuzu ali-7 amayelana neendlela ofanele uzilandele nawethula ikulumo.

IMIYALO:

1. Ngamagama angadluli kwama-50.
2. Nombora imitjhwakho kusukela kewoku-1 bekufike kewe-7.
3. Umutjho ngaMUNYE owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleti utole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

ITHEKSTHI C**IINDLELA OFANELE UZILANDELE NAWETHULA IKULUMO**

Kunamakghono umuntu abeletswana nawo. Kube namakghono umuntu awafundako epilweni. Kunomuntu osikhulumi ngokwemvelo, othi nakethula ikulumo abantu bamlalelisise. Kuthi nanyana ahlala phasi abantu bakhanuke ngathana usaragela phambili nekulomo. Nanyana unganalo ikghono lokukhulumma zikhona iindlela ezingakusiza bona ube sithakgha ekwethuleni ikulumo.

Nawethula ikulomo kufanele uthome ngokulotjhisa abamukelilwazi. Kuqakathekile bona utjheje bona bobani abantu abazokulalela ikulumakho. Abaneenkhundla kungaba kuhle bona ubalotjhise bewuveze neenkhundla zabo. Abantu nawubalotjhisa ngokweenkhundla zabo baba nerhuluphelo lokukulalela. Abantu abakafaneli bona batlhagele ukukwizwa bona uthini. Phakamisa iphimbo lako uzwakale kuhle. Nawukhulumela phasi abantu bagcina bangasakulaleli. Kuqakathekile bona abantu ubaqale emehlwani nawethula ikulomo. Kazi ukuya ngokwelimi leSepedi kuthiwa '*Ditaba di mahlong*,' iindaba zingena kuhle engqondweni yomuntu nawumqale nqo ngemehlwani.

Umnanya omunye nomunye uba nabantu bezinga elithileko leminyaka njengephathi yomuntu omutjhanofana yomuntu omdala. Sebenzisa ilimi elifanele abamukelilwazi bakho. Kuqakathekile bona ununge ngamahlaya ekulumenakho ukwenzela bona abantu bahleke bakwazi ukuragela phambili nokukulalela. Amahlaya akakhambisane nobujamo balapho. Sebenzisa imidzubhulo ekhuthazako ekhambelana nekulomo yakho njengeyabosopolotiki aboDesmond Tutu naboNelson Mandela ukuze abantu babe nerhuluphelo lokukulalela. Khombisa ukuzethemba nawukhulumako. Lokho kwenza bona abantu babone bona uyayazi into oyikhulumako.

[Ithethwe ku-intanethi yatjhugulelwesiNdebeleni]

IMITLOMELO YESIGABA B:

10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3**

Qalisa isikhangiso esingenzasi bese uphendula imibuzo elandelako.

ITHEKSTHI D

Ibandla lakho liyanethelanofana liphephukile? Isikhatheso sesingesayizolo. Kwa-**AZIBUYELE EMASISWENI** sikwakhela elitjha tjha sikufulelele ngotjani butjhelele njengetshidzo, uphumule itjhada nokunethelwa lokha izulu nalinako. **I-AZIBUYELE EMASISWENI** yenzelwe wena!



Imibandela:

- Sifulelela abantu abakhe eendaweni zemadorobheni.
- Ubhadela ebhangeni inyanga ngaphambi kokufulelwa.

[Sithethwe ku-www.images.com]

- 3.1 Tlola imibandela **EMIBILI** etholakala esikhangiswenesi. (2)
- 3.2 Rhunyeza amaqhingga **AMABILI** asetjenziswe mtlami wesikhangiswesi ukudosa abantu. (2)
- 3.3 Sebenzisa igama elithi; 'ibandla' emutjhweni ozakhele wona liveze umqondo ohlukileko kunalo ovezwe esikhangisweni. (1)
- 3.4 Khetha ipendulo enembako kezlandelako.

Nange unomakhiwo onjengalo osesikhangisweni ungawusebenzisela:

- A Ukuvalela iinkomo zakho.
- B Ukulala nomndenakho nakuna izulu.
- C Ukuditjha nabobaba nibase nenyama.
- D Ukubeka iinsetjenziswa zakho zivikeleke bona zingetjiwa. (2)

- 3.5 Buyelela utole umutjho ongenzasi kodwana esikhundleni sesifaniso ujamiselele ngesingathekiso.

Sikufulelela ngotjani butjhelele njengetshidzo.

(1)

- 3.6 Ingabe esikhangisweni esingehlesi kunebandlululonofana kunobuhlangothi? Sekela isiqunto osithathako ngephuzu ELILODWA.

(2)

[10]

UMBUZO 4

Qalisisa ikhathuni engenzasi bese uphendula imibuzo elandelako.

ITHEKSTHI E



[Sithethwe ku-www.images.com]

- 4.1 Veza izinto EZIMBILI ubaba lo azitjela umkakhe ngesikhathi bakhulumisana. (2)

- 4.2 Buyelela utole umutjho ongenzasi kodwana ulungise iimphoso zokupeleda nokutlolwa kwesiNdebele.

namkoneni lisa ukukhasa ngesitshula somratha.

(2)

- 4.3 Buyelela utole umutjho ongenzasi bese kuthi esikhundleni segama elithalelweko liveze ubukhulu.

Lisa ukukhasa ngesitshula somratha.

(1)

- 4.4 Khetha ipendulo enembako kilezi ezilandelako.

Ikulumo ethi lisa ukukhasa ngesitshula somratha ihlathulula bona UNAMkoneni...

- A angasadla umratha.
- B adle umratha wodwa.
- C abuyebe abe yintombi.
- D alise ukuzenza umntwana.

(1)

- 4.5 Buyelela utlole umutjho ongenzasi bese ujamiselela amagama athalelweko ngezabizwana zamambala.

Mntungwa ngiyabona awazi bona umuntu uphathwa njengeqanda.

(2)

- 4.6 Zakhele umutjho ngehathululo yesaga esisemutjhweni ongenzasi.

Mina nawe besimamathe nelimu.

(2)

[10]

UMBUZO 5

- 5.1 Fundisa itheksthi engenzasi bese uphendula imibuzo elandelako.

ITHEKSTHI F

'Ngaleziziqu zobudorhodera, sikhakheni wezokurhweba, ikghono lakhe lisabalele eSewula Afrika nakezinye iinarha njengomfundisi. UKusukela namhlanjesi unguDorhodera Mahlangu.' Kwatjho uPhrofesa Frederico Freschi, oyihloko yomnyango yobukghwari, ukuTlama kanye neMakhiwo khona e-UJ. UDorhodera Esther Mahlangu wathoma ukugwala asanuka ibisi. Kuthe ngomnyaka wee-1999, wagwala ikoloyi yomhlobo we-BMW 525i. Ungumma wokuthoma ukukwenza lokhu obuya ngaphandle kwe-Europe ne-USA. Umgwalakhe ubuye godu wabandakanya imithangala emide yobudoyelo beemphaphatjhini eBritish ngomnyaka wee-1997 kanye nefledzi 500, elitjha. UDorhodera Mahlangu uphethe ngokuthi: 'Leziziqu zitjengisa ithando enginalo lobukghwari besiNdebele.'

5

10

- 5.1.1 Buyelela utlole umutjho ongenzasi kuthi esikhundleni segama elithalelweko utlole isirhunyezo.

'UKusukela namhlanjesi unguDorhodera Mahlangu.'

(1)

- 5.1.2 Khupha isithomo nesiqu sebizo elithalelweko emutjhweni ongenzasi.

Umgwalakhe ubuye godu wabandakanya imithangala emide yobudoyelo beemphaphatjhini eBritish.

(2)

- 5.1.3 Tlola igama elibolekiweko emutjhweni olandelako bewutjho nokobana libolekwe kiliphi ilimi.

Umgwalakhe ubuye godu wabandakanya imithangala emide yobudoyelo beemphaphatjhini kanye nefledzi 500, elitjha.

(2)

- 5.1.4 Buyelela utlole umutjho ongenzasi kodwana ube sebunengini.

U-Esther Mahlangu wagwala ikoloyi yomhlobo we-BMW 525i.

(2)

5.1.5 Tlola iinkhekhe zekulumo ezakhe igama elithalelweko.

Umgwalakhe ubuye godu wabandakanya imithangala emide yobudoyelo beemphaphatjhini. (2)

5.1.6 Khetha ipendulo enembako kezilandelako.

UDorhodera Esther Mahlangu wathoma ukugwala asanuka ibisi.

Amagama athalelweko emutjhweni ongehla atjho bona:

- A Asilukazi
- B Bona ende
- C Asesemncani
- D Bona ahlongakalelwwe babelethi

(1)

5.1.7 Buyelela utlole umutjho ongenzasi kodwana uveze ukulandula.

UDorhodera Esther Mahlangu wathoma ukugwala asanuka ibisi. (2)

5.1.8 Buyelela utlole umutjho ongenzasi ube yikulumo embiko.

UPhrofesa Frederico Freschi uthi; 'Thina sikwakwazelela u-Esther Mahlangu ngekghono lakhe.'

(2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G



Iziga zephasi azipheli. Umbuso awujame ngeenyawo baphelele endlini enzima abenza lokhu ngombana umfazi lo uyokudosa emhlweni.

[Sithethwe ku-www.images.com]

5.2.1 Buyelela utlole umutjho ongenzasi uveze ukuvuma.

Iziga zephasi azipheli.

(1)

5.2.2 Buyelela utole umutjho ongenzasi bese ujamiselela ibinzana elithalelwoko ngegama elilodwa.

Umkhwenyana wembethe ibhrugu elifana nebhajakhe. (1)

5.2.3 Tlola igama elithalelwoko emutjhweni ongenzasi libe sisenzo bese wakhe ngaso umutjho.

Umbuso awujame ngeenyawo. (2)

5.2.4 Thatha isitjho esithalelwoko emutjhweni ongenzasi usisebenzise emutjhweni ozakhele wona kubonakale bona uyayazi ihlathululo yaso.

Umfazi lo uyokudosa emhlweni. (2)
[20]

IMITLOMELO YESIGABA C: 40

ISIGABA D: ZEMITLOLO**TJHEJA:**

- Isigabesi sinemibuzo EMINE, UMBUZO 6, UMBUZO 7, UMBUZO 8 kanye NOMBUZO 9.
- Phendula imibuzo EMIBILI kwaphela.

UMBUZO 6: UZANGENZANI – DM Jiyana nabanye**'ILIFU ELINZIMA'**

Funda isiqetjhana esilandelako bese uphendula imibuzo.

ITHEKSTHI H

UMpotlogwana Thugwana uzibuyela esitokifeleni. Ufumana kulila unombhonge ekhaya. Umndeni woke uye emnyanyeni wequde ngale kwedamu lakoSomfene. Uzizwa ngasuthi ungenwa mamakhaza. Athathe ingubo alakanise bese abase nomlilo ahlale phasi othe. 'abantu bazokuthini nabangangifumana ngisotha umlilo kutjhisa kangaka ehlolo. Kubayini ngasuthi ngifuna ukubuyisa, uyazi 5 ngiphakanyelwa ziimbindi. Ngidleni? Mhlamunye yinyongo.'

Atlabhe amathe. Athome ukugonyuluka, ahlanze. Ngcono ngisele amanzi amanengi ngirhaze mhlamunye nakuyinyongo izakuphuma. Lithi nalihloma ihloko phasi ufile umndeni. Urareke umndeni nawubona uMpotlogwana arhutjhazela ngeengubokazi kufuthumele kangaka. Kubuze unina: 'Mpotlogwana! Kwenzenjani ngengubo 10 kutjhisa kangaka?'

'Mma angizizwa kuhle ngibalekelwa lilothe begodu nehlokwami isawula ngamandla.' Ngaleso sikhathi sekathoma ukuhlengezela yedwa. 'Uthi akusiyo inyongo Nokitimpana?' Kubuza uyise.

[Ikhasi 19]

- 6.1 Bewuyephi umndeni kaMpotlogwana begodu bekunani lapho njengombana uMpotlogwana afumana kunganamuntu nje? (2)
- 6.2 Ngephuzu ELILODWA tlola lokho obekwenziwa nguMpotlogwana okwabangela bona ababelethi bakhe barareke. (2)
- 6.3 Veza amatshwayo AMABILI abufakazi bokobana uMpotlogwana ubengakaphili kuhle. (2)
- 6.4 Rhunyeza ngamaphuzu AMABILI iindlela ezasetjenziswa nguMamkhokheli ukwelapha uMpotlogwana. (2)
- 6.5 Ucabanga bona bewungaba yini umphumela wokuphosa ngaphasi nangaphezulu kukaMpotlogwana ngemva kokusela isiwatjho? Ipendulwakho ayibe liphuzu ELILODWA. (2)

- 6.6 Madanisa okungafaniko okwatjhiwo nguMamkhokheli noNombengula mayelana nokugula komlingisi osendatjaneni. (2)
- 6.7 Siyini isisusa serarano endatjaneni le? Ipendulwakho ayibe liphuzu ELILODWA. (2)
- 6.8 Khetha ipendulo enembako kilezi ezilandelako.
- Umqopho womtloli wokwenza bona boke abahlahlubi bakaMpologwana baveze abonobangela abahlukileko mayelana nobulwele obuphethe uMpologwana bekukukwenza bona indaba ...
- A itjharagane iye phambili.
 B iphele msinyana.
 C ibe nesiphetho esinembako.
 D be nesingeniso esinembako. (2)
- 6.9 Ingabe isenzo sakaNzipozimasasa sokwenza bona uMpologwana ahlanze inyoka ephilako SIYAKHOLWEKAnofana ASIKHOLWEKI. Sekela isiqunto osithathako ngephuzu ELILODWA. (2)
- 6.10 Coca ngesizinda esitholakala etheksthini engehla le. Ipendulwakho ayibe liphuzu ELILODWA. (2)
- [20]

UMBUZO 7: UZANGENZANI – DM Jiyana nabanye

'IJIMA'

Funda isiqetjhana esilandelako bese uphendula imibuzo.

ITHEKSTHI I

Bathi basacoca kuvele izimvu neembuzi zakaMaridili. Zizingenele nje ngesibayeni zilale nelanga lingakatjhingi. UMkhwebani waziqala zilele zetjisa watshwaya wathi: 'Makhelani Maridili, akhe utjho bonyana wena wenza ngani. Ilimbuzi nezimvu zizibuyele zingaragwa mumuntu. Kuyatjho bonyana unefihlo ekulu.' Ahleke uMaridili athi: 'Mkhwebana phela mina ngibelethwa ekhaya elazi ifuyo kwamambala. Ubaba 5 ongibelethako nguye owangithela ngetjhudu lefuyo.'

Asikime uMlayedwa oyokupula iketlela abone iiimbuzi zilele ziqale ngakuye zetjisa athi: 'Heyi wena mbuzi ndina, nanyana ungangiqa la anginandaba nawe. Kube uyazi bonyana mina angiyidli inyama yento ecabanga njengomuntu.' Sekuthulile ngebandla kulalelw uMlayedwa bangazi nokobana ukhuluma nobani. Angene 10 atjhinge endaweni yakhe lapha gade ahlezi khona.

[Ikhasi 31]

- 7.1 Tlola ibizo lakamakhelana kaMaridili. (1)
- 7.2 Tlola inani lamadoda ebekahlezi ebandla lakwaMaridili. (1)
- 7.3 Veza imihlobo EMIBILI yefuyo evezwe endatjaneni. (2)
- 7.4 Rhunyeza izinto EZIMBILI ezingakajayeleki ezenziwa yifuyo kaMaridili nekuyinto eyarara uMkhwebani. (2)
- 7.5 Hlathulula okwenziwa nguMlayedwa okubhalela amadoda ahlezi nawo la. Ipendulwakho ayibe liphuzu ELILODWA. (2)
- 7.6 Ingabe amagama akhulunywa nguMaridili athi, 'Angisiyo indoda ezwa ngomfazi bonyana yenzeni' amveza amlingisi onjani? Ipendulwakho ayibe liphuzu ELILODWA. (2)
- 7.7 Ucabanga bona kubayini uMlayedwa angalwi noMkhwebani lokha nakambethako? Ipendulwakho ayibe liphuzu ELILODWA. (2)
- 7.8 Phendula isitatinende esingenzasi ngoLIQINISOnofana AKUSILO IQINISO bese usekela isiqunto osithathako ngephuzu ELILODWA.
UMLayedwa ubonakala kunguye ohlaba izimvu zabomakhelana bakhe. (2)
- 7.9 Khetha ipendulo enembako kezilandelako.
- Isenzo sokusebenza esimini kaMaridili ngaphandle kokubhadalwa sisivezela bona:
- A Abanayo imisebenzi ebengayenza emizini yabo.
 - B Abomakhelana bebasizana nakunomsebenzi ekufanele wenziwe.
 - C Athanda utjwala.
 - D Basaba imisebenzi yemizini yabo. (2)
- 7.10 Coca ngokuphumelela komtloli ukunikela indatjana le isihloko esiyifaneleko. Ipendulwakho ayibe liphuzu ELILODWA. (2)
- 7.11 Ngokubona kwakho ucabanga bona uMaridili bekahlosile bona aseze uMlayedwa utjwala ukuze agcine azibambisile bona weba izimvu. (2)

[20]

UMBUZO 8: AYIKHULUNYELWA EZIKO – RN Mahlangu nabanye**'INDODA NENYONI'**

Funda isiqetjhana esilandelako bese uphendula imibuzo.

ITHEKSTHI J**KWASUKELASUKELA!**

Yavuka kusesekuseni yayokuhlola bona isiphila sayo siyaphuma na. Yathi nayifikako yafese yabamba ongenzasi nayithola sekumile ikhula nesimu ithe ngamagadekazi. Indoda yakuza yababaza yathi: 'Mhlolo izolo bengilime kuhle, manjesi kwenzenjani?' Yabuyela ekhaya yayokubophela iinkabi.

Yanqopha emasimini yalima, yatjala. Yathi ebesaneni: 'Khambani neenkomezi 5 ekhaya.' Yona yalala ngemseleni yaphakamisa isandla. Yezwa ngento ithi tlho phezu kwesandla. Inyoni yayidlumbana bona isandla sendoda sigodo. Yathoma yavuma yathi:

'Magade wovumbu! Vumbu!'

Nayivuma njalo amagade avumbuke. Indoda isilingeke khulu iyithi bhi. Ithukane ithi: 10 'Kanti nguwe odlala ngamandlam?' Ngizokubulala kabuhlungu.

Inyoni incenge ithi: 'Ungangihlabahlabi ngizokukghuthulela amasi.'

Indoda ithi: 'Kghuthula ngibone.'

Inyoni ithi: 'Ho! Ho! Ho! Kuthi kguthu kguthu.'

[Ikhasi 20]

- | | | |
|-------|--|-----|
| 8.1 | Ngubani umlingisi otshwenya indoda kilenolwana? | (1) |
| 8.2 | Tlola okumbi okwensiwa mlingisi otshwenyako lo. | (2) |
| 8.3 | Veza ubujamo indoda eyabufumana esiminayo ngelanga elilandelako. | (1) |
| 8.4 | Ngokurhunyezweko hlathulula iqhinga elenziwa yindoda emva kokulima isimayo kwesibili. | (2) |
| 8.5 | Hlathulula isehlakalo esenzeka ekhaya bona kufike indoda nenyon. Qalisa ebalingisini abalandelako: | |
| 8.5.1 | Inyoni | (1) |
| 8.5.2 | Abentwana | (1) |
| 8.6 | Ucabanga bona ngisiphi isenzo esihle nesihlakaniphileko esenziwa yindoda ngakusasa ekuseni ngaphambi kobana iye emsebenzini. Ipendulwakho ayibe maphuzu AMABILI. | (2) |

- 8.7 Hlathulula umnqopho wabentwana wokuyokuzidlalidala eduze kwendlu okuvalelwé kiyo inyoni. (2)
- 8.8 LIQINISOnofana AKUSILO IQINISO bona inyoni ekukhulunywa ngayo enolwaneni iveswe njengomlingisi ohlakaniphileko. Sekela isiqunto osithathako ngephuzu ELILODWA. (2)
- 8.9 Ucabanga bona uyoba yini umphumela emndenini wendoda le ngemva kokubaleka kwenyoni? Ipendulwakho ayibe liphuzu ELILODWA. (2)
- 8.10 Ingabe UYAZWELANAnofana AWUZWELANI nabentwana bendoda nawuqalise esiphethweni senolwana le. (2)
- 8.11 Coca ngesehlakalo esibonakala sisitlhori enolwaneni engehla. (2)
- [20]**

UMBUZO 9: AYIKHULUNYELWA EZIKO – RN Mahlangu nabanye

'UMQASA NEBHUBEZI'

Funda isiqetjhana esilandelako bese uphendula imibuzo.

ITHEKSTHI K

KWASUKELASUKELA!

Awa yenzeka indaba izulu lana tle. Umqasa nendlovu wenza umnyanya omkhulu, kwamenywa nebhubezi. Ibhubesi lathi: 'Ningangimema njani nibona umlambo uzele kangaka?'

Umqasa waphendula ngelithi: 'Akutshwenyi lokho, thina sibangani abalunge khulu. Sizokusiza ukuyama umlambo lo.'

5

Ibhubezi lathi: 'Niqinisile? Nakunjalo musani ukudla isikhathi, ngifile yindlala.'

Latjho likhatha iindebe zomlomo namathe sele aziphumela. Ngehliziyo lathi anazi bona nobabidlananomngananyakho nizoba yinyama yokwehlisa nangiqeda inyama eningimemela yona. Nakunguwe ndlovu, ngizokuthoma ngawe bese ngicgina ngawe mahlakaniphana ndina, mqasana.

10

Nangambala kwathonywa ngomzukuzuku wokuyamisa ibhubezi. Umqasa waphosa intambo ngaphetjheya, wathi ibhubezi aliyikakarele kuthi indlovu idose ngombana inamandla. Ibhubesi lathaba labhembesa lathoma nokuzibona lidla inyama yekomo, yendlovu neyomqasa ngamehlo wengqondo.

[Ikhasi 18]

- 9.1 Tlola inyama ethandwa libhubezi khulu. (1)
- 9.2 Ngiziphi iinlwana EZIMBILI ibhubezi ebelifuna ukwehlisa ngenyamazo? (2)

- 9.3 Veza izinto EZIMBILI ekwakufanele zenzeke ukuphumelelisa iqhingeli lokugodusa ibhubezi. (2)
- 9.4 Hlathulula indlela ibhubezi elaphakelelwa ngayo kiboyisemkhulu. (2)
- 9.5 Rhunyeza unobangela owenza bona iinlwanezi zifune ukugodusa ibhubezi. (1)
- 9.6 Phendula isitativende esingenzasi NGOLIQINISOnofana AKUSILO IQINISO bese usekela isiqunto osithathako ngephuzu ELILODWA.
Baqinisile abadala nabathi kunokuthi uthembe umuntu kungcono uthembe ilitje. (2)
- 9.7 Ucabanga bona ngiyiphi ingozi egade ingavelela indlovu ngathana ibhubezi nalo ladosa intambo leyo? Ipendulwakho ayibe liphuzu ELILODWA. (2)
- 9.8 Madanisa okufanako emicabangweni yeenlwanezi. (2)
- 9.9 Ingabe isenzo seenlwanezi sokuhlela ukwenza into ebuahlungu nanyana bebabizana ngabangani, sisitjelani ngobungani babo? Ipendulwakho ayibe liphuzu ELILODWA. (2)
- 9.10 Tshwaya ngesizinda sendawo esitholakala enolwaneni le. Ipendulwakho ayibe liphuzu ELILODWA. (2)
- 9.11 Coca ngesifundo esitholakala enolwaneni le. (2)

IMITLOMELO YESIGABA D: 40
INANI LOKE: 120